

大學疏略

大學疏畧序

大學者虞夏殷周四代聖人設大學
成已成物之學也孔子學其學傳其

爲書以接後來者也程子曰古人爲學次第
是矣師儒立教而弟子效行故曰學君之子
學爲君卿大夫士之子庶民之俊秀學爲臣
故曰大學其學之道三曰明德曰親民曰
定靜安慮得有體有用又有循序可得之功
而道畢矣舉其道而試爲之卽不能不又有

序焉。六先七後。序卽道之措施也。要之齊治平。操之於修身。而修身不外致知格物。故一要於修身爲本。而功歸於知之至。終始一知而已矣。此自古所傳不易之道。可稱爲經。其卜文則釋辭也。可稱爲傳。古本通屬經爲一篇。刻載禮記。統似孔子之文。自程子摘爲一篇。朱子觀玩有得。若爲曾子所述。又分經傳章句。向亦嘗疑之力。追古本義有可通。而疑於講求。久之已意適暢。而朱說有來同者。亦

不敢終遂獨見。參會求得乎當。古文錯簡誠或有之。以意逆志。不害其志。此古人所賴有後學也。獨格致補傳爲誤。嘗按朱子於學庸疑義頗多。卒主程子居敬之說。其與胡廣仲諸人書及語錄所載。及或問一編。皆言窮理之前。尚有存養一層功夫。謂向來格致之論。猶爲未安。卒用以小學補大學之闕。令學者無便從窮理做起。意亦畧見大學序中。其於爲學次第。可謂得矣。但十五以後。卽不須存

義無是理也。又按詹帥強爲朱子刊四書未
識卽集註否。朱子數進書止之。謂是一時所
見。將來或又有進。詹固不從。僅取回學庸舊
本。修改刊之。其最後一書又諄諄切切。謂舊
版不勝修改。且亦無時而已。將來豈復有留
意於此者。使熹介然常有不滿之意。其害又
不止于論列行違而已也。又按朱子章句成
於淳熙十六年。歷紹熙五年。慶元六年。而朱
子卒。其間十有一年。臨革尚改大學誠意章

是終未決也。竊以格致何獨無傳。安知非止有可詳。蓋向唯以窮理爲致知。不以存養爲致知。故終見有闕文。余嘗體按此心。虛靈之體。止定則明。靜之益明。安之益明。再加思慮以窮理。卽無有一毫之不明矣。故必合定靜安慮以存養此知。而明德之體于此見。卽明明德之功亦于此見矣。所謂致知。卽此是也。若夫格物。則力行也。格者至也。以我所致極明之知。到了物上。所謂格也。迨夫物格矣。

則知乃至。而知行惟一矣。內外無間。卽爲意誠。故所謂誠其意一章。并釋之矣。此以知古本或有錯簡而定無關文。僭成疏畧一書。我不敢知曰。於孔子之文有當。我不敢知曰。於朱子終欲改之義有當。而芻蕘之忱。備後君子採擇。厥有助耳。

康熙二十八年春二月二十二日庚申後學
著臺張沐序

晚年定論序

錢緒山曰朱子晚年定論首刻於南贛朱子病目靜
久忽悟聖學之淵微乃大悔中年註述誤已誤人
遍告同志師閱之喜已學與晦翁同手錄一卷門
人刻行之自是爲朱子論異同者寡矣師曰無意
中得此一助隆慶壬申北峰謝君廷傑刻師全書
命刻定論附語錄後見師之學與朱子無相繆戾
則千古正學同一源矣并師首序與袁慶麟跋凡
若干條洪僭引其說

朱子晚年定論我陽明先生在留都時所採集者也
揭陽薛君尚謙舊錄一本同志見之至有不及抄
寫袖之而去者衆皆憚於翻錄乃謀而投諸梓謂
子以齒當志一言惟朱子一生勤苦以惠來學凡
一言一字皆所當守而獨表章是尊崇乎此者蓋
以爲朱子之定見也今學者不求諸此而猶踵其
所悔是蹈舛也豈善朱子者哉麟無似從事於朱
子之訓餘三十年非不專且篤而竟亦未有居安
資深之地則猶以爲知之未詳而覽之未博也淺

寅夏持所著論若干卷來見先生問其言如日中天睹之卽見如五穀之藝地種之卽生不假外求而真切簡易恍然有悟退求其故而不合則又不免遲疑於其間及讀是編始釋然盡投其所業假館而受學蓋三月而若將有聞焉然後知向之所學乃朱子中年未定之論是故三十年而無獲今賴天之靈始克從事於其所謂定見者故能三月而若將有聞也非吾先生幾乎已矣敢以告夫同志使無若麟之晚而後悔也若夫直求本原於言

語之外真有以驗其必然而無疑者則存乎其人
之自力是編特爲之指迷耳正德戊寅六月望門
人零都袁慶麟謹識

陽明子序曰洙泗之傳至孟氏而息千五百餘年濂
溪明道始復追尋其緒自後辨析日詳然亦日就
支離决裂旋復湮晦吾嘗深求其故大抵皆世儒
之多言有以亂之守仁早歲業舉滿志詞章之習
旣乃稍知從事正學而苦於衆說之紛撓疲憊茫
無可入因求諸老釋欣然有會於心以爲聖人之

學在此矣然於孔子之教間相出入而措之日用
往往缺漏無歸依違往返且信且疑其後謫官龍
場居處困動心忍性之餘恍然有悟體念探求
再更寒暑證諸五經四子沛然若决江河而放諸
海也然後嘆聖人之道坦如大路而世之儒者妄
開竇逕蹈荆棘墮坑塹究其爲說反出二氏之下
宜乎世之高明之士厭此而趨彼也此豈二氏之
罪哉間嘗以語同志而聞者競相非議目以爲立
異好奇雖每痛反深抑務自搜剔斑瑕而愈益精

明的確洞然無復可疑獨於朱子之說有相牴牾
恒疚於心切疑朱子之賢而豈其於此尚有未察
及官留都復取朱子之書而檢求之然後知其晚
歲固已大悟舊說之非痛悔極矣至以爲自誑誑
人之罪不可勝贖世之所傳集註或問之類乃其
中年未定之說自咎以爲舊本之誤思改正而未
及而其諸語類之屬又其門人挾勝心以附已見
固於朱子平日之說猶有大相繆戾者而世之學
者局於見聞不過持循講習於此其於悟後之論

槩乎其未有聞則亦何怪乎予言之不信而朱子
之心無以自暴於後世也乎予既自幸其說之不
繆於朱子又喜朱子先得我心之同然且慨夫世
之學者徒守朱子中年未定之說而不復知求其
晚歲既悟之論競相訾訾以亂正學不自知其已
入於異端輒採錄而裒集之私以示夫同志庶幾
無疑於吾說而聖學之明可冀矣正德乙亥冬十
一月朔後學餘姚王守仁序

傳習錄敘

門人有私錄陽明先生之言者先生聞之謂之曰聖
賢教人如醫用藥皆因病立方酌其虛實溫涼陰
陽內外而時時加減之要在去病初無定說若拘
執一方鮮不殺人矣今某與諸君不過各就偏蔽
箴切砥礪但能改化卽吾言已爲贅疣若遂守爲
成訓他日誤已誤人某之罪過可復追贖乎愛旣
備錄先生之教同門之友有以是相規者愛因謂
之曰如予之言卽又拘執一方復失先生之意矣

孔子謂子貢嘗曰子欲無言他日則曰吾與回言終日又何言之不一邪蓋子貢專求聖人於言語之間故孔子以無言警之使之實體諸心以求自得顏子於孔子之言默識心通無不在已故與之言終日若決江河而之海也故孔子於子貢之無言不爲少於顏子之終日言不爲多各當其可而已今佩錄先生之語固非先生之所欲使吾儕當在先生之門亦何事於此惟或有時而去側同門之友又皆離群索居當是之時儀刑既遠而規切

無聞如愛之驚劣非得先生之古時時對越警發
之其不摧墮靡廢者幾希矣吾儕於先生之言苟
徒入耳出口不體諸身則愛之錄此實先生之罪
人矣使能得之言意之表而誠諸踐履之實則斯
錄也因先生終日言之之心也可少乎哉錄成因
復識此於篇首以告同志門人徐愛序

先生於大學格物諸說悉以舊本爲正蓋先儒所謂
誤本者也愛始聞而駭旣而疑已而殫精竭思參
互錯縱以質於先生然後知先生之說若水之寒

卷之二

若火之熱斷斷乎百世以俟聖人而不惑者也先生明睿天授然和樂坦易不事邊幅人見其少時豪邁不羈又嘗泛濫於詞章出人二氏之學驟聞是說皆目以爲立異好奇漫不省究不知先生居三載處困養靜精一之功固已超入聖域粹然大中至正之歸矣愛朝夕炙門下但見先生之道卽之若易而仰之愈高見之若粗而探之愈精就之若近而造之愈益無窮十餘年來竟未能窺其藩籬世之君子或與先生僅交一面或猶未聞其

整欬或先懷忽易憤激之心而遽欲於立談之間
傳聞之說臆斷懸度如之何其可得也從游之士
聞先生之教往往得一而遺二見其牝牡驪黃而
棄其所謂千里者故愛備錄平日之所聞私以示
夫同志相與考而正之庶無負先生之教云門人
徐愛書

讀大學疏畧記

肥鄉馮春暉

先生以止至善爲立志定靜安爲存養處
爲窮理能得則力行所謂爲學次第卽此
其六先七後又次第之詳密者也此卽致
知格物之功致知格物不是兩項終始一
知而已將知止一念之明定靜安慮以至
于物而知始至知至而齊治平之理已體
驗精熟意以誠心以正而身以修故一要
於修身爲本而功歸于知之至此真程朱
嫡傳凡門要旨考前王而不謬俟後聖而
不惑者也至章句乃朱子一時所見之書
傳世已久乍聞先生此說有不驚爲乖異
者鮮矣不知朱子於大學嘗不慊心曾謂
窮理之前尚有存養一層功夫故作小學
或問以補大學之闕又嘗覆理延平函養
之說急崇程子居敬之學似見朱子全書
痛快明白先生體驗二三十年不欲泯沒
晦菴苦心欲爲表章以成是書猶不自是

大學疏茗



日與及門講論。其有不合者。仰而思之。夜以繼日。毋每濯去舊見。以來新意。其精研之功。可謂至矣。幸親炙門下。與同學輩。殫精竭思。反覆詰難。以質先生。始知其說之至當。而不可易也。惟言從存養而出。不存養者。難以領畧世之學者。絕未曉存養功夫。又未經先生耳提面命。卽有吟其教者。或耽于文藝。而憚于體驗。或好爲博涉。而不務靜存。遽于咕囁之餘。妄憶揣度。如之何其可得也。大學功夫。只是知止一念之明。定靜安慮。以至于物而已。此中次第甚詳。功夫最有頭腦。真是精一新傳。蒙蔽已久。得此疏解。詳明真如撥雲霧而見青天。止定靜安。應得曲盡心體之妙。本體功夫。合而爲一。先生真知止卽會定。以及大然次第。非強說也。數語非靜坐存心。不能深知其理。

存養窮理是心體自然大第有謂先窮理後存養者是無靜中功夫不識心體

近人有靜坐存心而不思者又是不識定靜安慮之義

先輩有謂知止一節爲致知格物傳者心思儘好然並列傳中又失原文精美先生以爲第三在字一氣管至文理變得經傳並穩

定者上一無適敬以直中內也即持志之功北語人猶易省靜者整齊嚴肅敬以持

乎外也即忍性養氣之功北語人難信存養久自知之備見程子遺

先生嘗言慮而后能得能得則格物即是力行益爲大學中士子言學時非行時故

止曰得今玩來與下知至一例不曰行至而曰知至其意正是如此總是大學功夫

歸于知至而已

朱子云明德爲本親民爲末知止爲始能

字。是心早已不待思矣。如何後面方說而
后心正。割裂心正以上許多工夫。是大差
處。觀於止。知其所以止。上二詩。必如先生解說
方合。引証文義。此先生善會神理處。他人
往往取親而遺神。子曰二語。上句承二詩
下句側重鳥說。更見神印。古人文字。
誠意章。朱子嘗甚作難。屢改未定。先生此
番改得。更是精確。晁嘗疑二橫獨解得不
同。今熟玩敬之一字。真是入門到頭功夫。
始終只一箇。平日此敬。臨時亦此敬也。
朱子於大學。看不出存養。故作小學。補存
養一段功夫。今解得。知止一節。為存養甚
是明白。小學竟可不用。先生嘗云。或問一
書。專言存養。所以救集註之失。倘認真知
止一節。或問自可不作矣。
大學是堯舜禹湯文武周公存心體驗出
來的道理。心性中自然次序。頒之學宮。以

大學疏畧

三

教士子者。孔子述之而作。故爲不易之經。
只因古人文字。皆從心性中體行而出。不
從存心養性過來者。自難識其語。况有錯
簡。所以先儒各有一說也。若先生此解。似
再無可說矣。皆心性中自然次第也。
先生解書。於朱子疑難處。說得更透快。朱
子創全功而留一隙。先生省全功而補一
隙。前人處難。後人處易。非有牴牾也。人多
不識朱子。竟疑先生矣。博學明辨。于朱子
全書及朱子與詹師等書。可知。
說大學疏畧 鄧陵李健
大學之道。雖以明親對言。而止定靜安慮
却只是明德功夫。疏畧云。此心之體。止定
則明。靜之益明。安之益明。再加思慮以窮
理。則無一毫之不明。牢牢靠靠。明明德。諸
不似常說影響。或謂常說。親民。年指明
德。似偏。蓋明德。卽明親民之理。玩後解。仁
敦孝慈。信皆爲上下相親。可知。親民。卽以

所明之德。初之玩。後解使無訟。大畏民志。可知。審此親字。更作不得。新字釋文。新字釋親民之用。以德相親。則明動變化。氣象日新。故時雍而曰於變也。

定靜安慮。卽明德。卽明明德。人心本來原自有能定。能靜。能安。能慮之體。非明德而何。但不學。本能而失之。于是因其能定。而學之。使定。因其能靜。而學之。使靜。因其能安。而學之。使安。而學之。使安。使慮。非明明德而何。此本體工夫。合而爲一。

知止之知。是順本體而有定。靜安慮。是作工夫。其實就是這知去定。靜安慮。所定靜安慮的。仍是知。至定靜安慮後。淺者深矣。粗者精矣。偏者全矣。小者大矣。故曰致也。致者盡也。知而能致。便是明明德。

定靜安慮。總一緝熙敬止。務要以疏畧解緝熙敬止。及淇澳節參看。自爾豁然。敬者德之聚也。不敬便都散了。焉有不存。

大學疏畧記

四

養而能窮理者。據朱子章句。却是從窮理起。其後則謂窮理之前。尚有存養一層工夫。向來之論。猶爲未安。而謂存養在小學。又作或問一書。極闡存養用敬之義。今先生則認定靜安慮。便是存養用敬功夫。適於朱子之意。有大快者。朱子以窮理爲致知。不以存養爲致知。先生則以存養爲致知。而窮理亦在其中。真真切切。徹始徹終。又補朱子所未逮。亦是見聖人之經原無滲漏。

大學工夫。不外致知格物。致知格物的確。是惟精惟一。傳受來的。今說定靜安慮。以致知是惟精。猶是常識可到。若說格物爲至。至物是惟一。真非尋常識見所可到。格至也。以我所致極明之知。以至于物。非一而何。此一念明白心。到了物上。到了物上。伯又。不是此明白心。便是此物。臨圖爲二。若將知止一念之明。定靜安慮。一直透過。

物去豈不是准
常說知之精使行之至想未必然試反已
自思儘有知之極精物交則引者此是何
故只緣不會涉格物工夫耳物卽家園入
下之物紛沒神至力挾智取轉瞬間被他
引去只得將此明白心逐日在物上試驗
或格至二三或被物引去或格至四五分
被物引去或格至六七分八九分被物引
去千方百計要去格他久久必有所進此
謂之格物追格之既熟且精此明白心一
通而不復阻百感而無一屈此謂之物格
而知至矣古人教人在大學中如此以用
其功及有家國天下之責而後發用出來
看物交還能引否斷不能也先生此說最
精細牢靠無走漏處再想大學原文畢竟
是如此方字字勘合
意是過道做不得工夫致知是回在心
上做工夫格物是拿此心出法在事上做工

夫

方致知時致一知存而養之致五知十知
存而養之方格物時格一物存而養之格
五件十件存而養之故皆屬存養不然既
會後仍復散了故先生又嘗曰致格總屬
未發天下之大本又云知至意誠心正身
修仍屬未發大本故曰豈足以修身爲本
齊於平方是已發達道也又云致知亦自
爲未發格物亦自爲已發但是在學中學
未發已發耳誠正修之未發齊治平之已
發方是出學任事實落有未發之大本已
發之達道也先生之說如此通活
會記先生解道學自修必以定靜安處入
講彼時亦自漠然今始覺得實落且註解
學修處具有淺深次第學是從全不會定
學定全不會靜學靜全不會安學安全不
會慮學慮自修是於容有未定修之使安
容有未靜修之使靜容有未安修之使安

容何未慮。修之使慮。頓覺神理活現。
誠意章前慎獨。屬物格知至。與毋欺相打。
照後慎獨。屬定靜安慮。以致其知。與誠於
中相打。照過脈云。非先有以致其知。將以
何者。而至于物。乃前後闕錢。最宜着眼。小人
問居與上下文。極相映帶。若看作別一誠
論。必與此書不省一字。
誠於中。是定靜安慮。以致知。形於外。是物
格知至。合兩句。只完得誠意。疏畧序云。知
行惟一。內外無間。卽爲意識者。此也以誠
中之誠。爲誠意之誠。似非。然以此誠中者。
形外故曰意識。正是此誠也。
孝弟慈三句。至康誥從來難看。疏畧不離
好惡說。雖緊根上章。好不知惡。惡不知美。
其實白誠意章發脚。如惡惡臭。如好好色。
是說了箇真好惡。一線串下。心誠求之。乃
是以真好惡求真好惡。以真好惡求赤子
之真好惡。不中不遠。以真好惡求民之與

好惡不中不遠。家國有異而理無異。只是箇誠。故教家。即所以教國。教孝弟慈。即所以教事君事長。使衆俱白。文原有一向。看。不出耳。今始醒豁。

大學疏畧辯

上蔡李範世

明德。即明所親之理。親民。即以所明之德。親之。如何。範世曰。設天止生我一人。於何見德。向何處明。明復何用。惟有家國天下許多。人日與我相對。皆須我去仁。我去義。我去孝。我去慈。我去信。其間好不知惡。惡不知美。最是難平。又須我去。上下前後左右之悉。望此。即明明德之功。全在親民上。明。即在親民上用。非明。即明其所親之理。親。即以所明親之乎。明明德。即致知。親民。即格物。明明。即明所親之理。親。即以所明親之。猶致知。即致所格之知。格物。即以所致格之也。本是一套。非三般二樣。知止之前。儒者謂有格致功夫。何如說世

曰此因談看止定靜安爲成效而無功夫
深看了知字也。不知此知是吾心靈明之
體。大學中初教人立志止至善。便自會大
概。識得箇好。又要向上去。謂之知止。由此
方用定靜安處功夫。以致此知也。先生謂
此知是明德發端處。發端似淺。却是本
原。有力量。故曰立志。又嘗曰志心之也。
心有所之。而不知而之乎。知即志。志即知
也。立志之後。方用致知。格物功夫。如常說
豈不立志。而遂能致知。格物乎。抑豈致知
格物了。而後立志乎。真無倫矣。
先生謂知止之時。尚無至善。如何。範世曰
原文不曰知至善。而曰知止。可知矣。再玩
後釋文。亦不曰知至善。而曰知止。更可知
矣。止直是心專一于此。程子所謂主一無
適。不之東。不之西。是也。非志而何。方立志
時。只是知得立志。豈便即知至善之所以
乎。孔子十五志學。及三十而立。時固尚有

惑也。由此而定。而靜。而安。而慮。漸次。心明。而知至善矣。

先生認定靜安慮爲存養。何所據。範世曰。在中庸爲戒慎不覲。恐懼不聞。在大學爲定靜安慮。此其據也。存此志。養此志。使生使長。乃當頭一層要緊功夫。古人之學。自始至終。不能少此。程朱俱如是說。豈大學爲聖人之經。而反闕此乎。朱子見存養之功不可少。作小學以補大學之缺。又作或問一書。以救集註之失。補救誠是。何如卽認此節爲存養。不尤便乎。定靜安慮。以致知。卽中庸未發功夫。若以爲成致。而不以爲存養。是少未發一層。格物以力行。卽中庸已發功夫。若以格物爲窮理。而不以爲力行。是少已發一層。如此。豈但存養宜補。更宜補力行矣。

疏畧曰。古之人。欲明我之明德于天下。而使相親也。使將明德親民。融成一理而止。

主善之體川毫無滲漏矣明德不離親民
親民必本明德經此旨傳亦此旨皆被說
者蒙混今經先生合來與後傳文大為對
貼

先生說格物為力行在字屬致知之後殊
駭人聽範世曰致知力行從來一定之先
後自然之次第何駭為得毋泥于舊聞而
不求義理之實也致知已是窮理又以格
物為窮理一日重為兩目格字亦忤常解
細省反為可駭爾雅格至也以知至物文
頗省便穩妥我有知矣自然要到物上若
不到物上致知何為如好而知惡親愛不
辟惡而知美賤惡不辟知美惡致知也不
辟格物也心誠求之致知也不中不達格
物也所惡于上下前後左右者致知也無
以加諸上下前後左右者格物也傳中無
非此旨我所極明之心到那物上方才住
得手不到物上止是上截終無下截既無

下截連上截亦不中用。故必物格知至而明親之事乃盡矣。

道學也。謂是不定靜安慮。要學定靜安慮。自修也。謂是學有得失。稍有未定靜安慮。修之使定靜安慮。瑟個恂慤。謂是始終一戒慎恐懼之心。以存養乎內。赫喧威儀。謂是始終一嚴威儼恪之容。以持敬于外。明德之至善得矣。盛德不忘。謂是親民之至善得矣。賢其賢。學先王之明德。親民之事也。樂其樂。遵學校之教。利其利。守田里之養。小人自相親之實也。謂此段釋文。不離存養用敬。皆止定靜安慮得精義也。細玩之。無一字一意不本經文以立言。方是傳體。若舍經義泛說道理。豈不可以相通。然支離強合。在時文爲劣。况聖人經何以垂法。以疏畧十傳。極力發揮經義。似尚有言不盡意之感。又何有自逞已見旁參他意之病。

讀疏畧亦可見先生有存養用敬之學方能省存養用敬之書方能爲存養用敬之言非口耳常儒所能議其得失也雖然先生之說出於數十年之體行其心細其功著凡有一說蓋幾經體認幾經改正不諸占畢諸今驗之人情參之物理可常可變可通可久無不合矣而後定之此則引粗浮之心執滯之見所能測其一二也是必清其心定其志去其成見沉潛靜坐以觀之又動而體行歷得失以驗之庶幾其有合也已

大學

張沐疏畧

程子曰。大學孔氏之遺書。而初學入德之門也。於今可見古人爲學次第者。獨賴此篇之存。而論孟次之。學者必由是而學焉。則庶乎其不差矣。

大學之道。在明明德。在親民。在止於至善。知止而后有定。定而后能靜。靜而后能安。安而后能慮。慮而后能得。

大學。大人之學也。天子諸侯。卿大夫。元士之子。庶民之俊。皆入學。異日賢君良佐。皆

大學疏義

一

出其中。是以成己成物爲學。故大人也。道路也。學有路。乃可循而行也。明德。人心本末之明覺。能通物理。而得之于心。故曰明德。但此明德。必有以明之。而后明。不明之。遂亦不明。故在明之也。民。天下國家之人也。親。和睦也。卽尚書親睦協和。及百姓不親。五品不遜之義。但必上之人。有以親之。而后親。不親之。遂亦不親。故在親之也。明德。卽明其所親之理。親民。卽以所明之德。親之也。至善。純善無惡之謂。明德之至善。卽親民之至善。止。志也。志一之乎此。而無二。謂之止。立志。乃大學最先一層功夫。此時尚無至善。而則許之志。止于是。而不遷也。一心止于至善。便是心之明覺處。故曰知止。此知卽明德發端處也。止字最爲有力。故知止而后有定。定者。主一無適。敬以直乎內也。卽持志之功。此時心定。則聞事物之來。或善或惡。卽已大概分曉。而明德漸

明矣。之入而后能靜。靜者。整齊嚴肅。敬以持乎外也。卽養氣之功。此時外之收斂者愈嚴。內之操存者益固。不善口遠而德之明。又有進矣。靜之久而後能安。安者。與善相習。身心漸覺穩便寬和。此時善之存養者益厚。而德之明。又進矣。安之久而后能慮。慮者。學問思辨。窮其理而通其變。此時善之存養者益達。而明德遂無有不明者矣。慮之久而后能得。得者。明德之至善得。卽親民之至善得矣。一在字。領至能得方盡其義。學之次第具焉。真知止。自會定。真定。自會靜。真靜。自會安。真安。自會慮。真慮。自會得。此明明德天然次第。非強設也。卽致知之實功。

物有本末。事有終始。知所先後。則近道矣。古之欲明明德於天下者。先治其國。欲治其國

大學疏畧



二

者先齊其家。欲齊其家者先修其身。欲修其身者先正其心。欲正其心者先誠其意。欲誠其意者先致其知。致知在格物。物格而后知其意。知至而后意誠。意誠而后心正。心正而后身修。身修而后家齊。家齊而后國治。國治而后天下平。

本身也。末。家國天下也。終始。一知而已。俱見下文。引古以明先后之次序。古之人欲明我之明德于天下。而使相親也。未有國不治。而即及天下者。先治其國。欲治國。未有家不齊。而國可治者。先齊其家。欲齊家。未有身不修。而家可齊者。先修其身。欲修

身本有心爲身之上等不得其正而身遂
修者先正其心欲正心未有益意常誘于
物感而心主能得其正者先誠其意誠成
也實也心之感物而動者曰意意界內外
之際感應不及持之間最難成實着不得
工夫夫還從心之明處做起故欲誠其
意者必先定靜安慮以致其知也致盡也
知本來明體卽知止之知也此心之體止
定則明靜安益明再思慮以盡知天下物
理遂無所不明此段結知所先也格至也
致知原欲以應物感明在心而不至于物
致知何用故致知在至物遇物將我所明
之善理到那物上物格了而后知纔算得
至矣知至則內外惟一雖忽感忽應之間
要無非誠中者之所形耳而后意誠至意
誠則以一知兼體明而所學者精且熟矣
此後只須操存此心使在自無不正而后
心正心正則身自納于經曲律度之中而

后身修。身修則家可教，而后家齊。家齊則治國亦推此理而行之，而后國治。國治則天下雖大亦由此漸被，故天下平。此段結知所後也。此爲學次第益詳矣。

自天子以至於庶人，壹是皆以修身爲本。其本亂而末治者否矣。其所厚者薄，而其所薄者厚，未之有也。此謂知本，此謂知之至也。

天子不修身，無以爲天下之本。諸侯不修身，無以爲國之本。士庶人不修身，無以爲家之本。故一以修身爲本。其本亂而末治者否矣。何也？身爲昏亂之身，其所厚者如家人，尚且薄之而不親，而其所薄者如天下，反厚而親之，斷斷未之有也。然身之所以修，始于致知，終于格物，知之所至，即身之所修。此謂知本，此謂知之至也。此節

又將物有本末。事有終始。結明古所謂惟精惟一之功。卽此。孔子著大學。其道備其文明也。如此。

右第一章。孔子本古大學設教之義。而作以與門弟子修於家者。其下文皆訓釋之。義後儒因篇中有曾子曰三字。以爲曾子所述。亦或然。與古本不分經傳通爲一篇。今別爲十章。參用朱子章句。畧有更正。此知本二句。古本原居末之有也之下。今如之。

康誥曰。克明德。太甲曰。顧諟天之明命。帝典

曰克明峻德皆自明也

康誥周書成王誥康叔也克能也能古耐
字最有力太甲商書伊尹誥太甲也領視
也誤古是字領視言心之專一也明德天
之所命故曰明命帝典虞書峻大也白對
民說明德仰親民之理明之于我心也故
帝王不求治于人要皆自明已德而已經
文謂在明明
德義如此也

右第二章釋明明德

占本此章通後至止

下今從朱註○按此文止釋自明其德以
見帝王無不求已之意而本釋如何為明
明德者蓋以經文定靜安慮言明明德之
功者已晰而此本之以為言無容再贅也
湯之盤銘曰苟日新日日新又日新康誥曰

作新民。詩曰：周雖舊邦，其命維新。是故君子無所不用其極。

盤沐浴器也。銘刻語其上。以自警也。親民卽以明德親之。民之不親上，昏情也。故親民之功，如滌塵，不可一日不新。新卽親之。舊習復蒙，苟能新之，以一日卽宜繼之以一日。又當時爲振作，如始新之，且上稍怠下，卽昏矣。作新民，自明其德，以作新乎民。使皆親睦也。詩大雅文王之篇，言周自后稷以來，本係舊邦，爲諸侯而已。至于文王，能親其民，天命歸之，則一新也。觀此三事，可知自新之極，自能新民。新民之極，自能新命。故君子無所不用其極，言自新新民之極也。經文在親民，言自明其德。民自於變而共明其德，義如此也。

右第三章釋親民

按此文不釋親止言自新新民之極蓋前齊治

平及言厚薄皆親之義見于後文者亦皆親之義亦不必釋也親猶尚書之言時雍新猶尚書之言於變於變時雍非有異旨

詩云邦畿千里惟民所止詩云緝蠻黃鳥止於丘隅子曰於止知其所止可以人而不如鳥乎詩云穆穆文王於音緝熙敬止爲人君止於仁爲人臣止於敬爲人子止於孝爲人父止於慈與國人交止於信子曰聽訟吾猶人也必也使無訟乎無情者不得盡其辭大

畏民志此謂知本

聖經止定靜安慮皆存養用敬工夫。故此段釋文不離敬意。引商頌玄鳥之詩。謂王者邦畿之大。惟民各自覓一家室而不泛處。引小雅蟋蟀之詩。見丘隅之廣。鳥亦各自尋一巢窩而不亂棲。孔子引詩嘆曰。於止非亂止。乃中心常記慮。而知所止者。乃有此止也。人心各有所當止。何反曰昧而不知求乎。前一句承二詩言。後一句側承鳥說。深以為敬。至善之止。便宜認作家宅。巢窩。日求止之。記慮不忘。如此豈有不得至善之理。此一節專釋知止二字。極有工夫。引文王之詩。言明德止至善也。緝續熙明。繼續一念之明。只在至善上定靜而安。慮焉。便是敬其所止。不緝熙則敬人。敬人而止。亦失矣。可知定靜安慮存養處。總之一敬也。仁敬孝慈信皆至善之德。止仁是

大學疏畧

六

上下相親止敬是君臣相親止孝止慈父
子相親止信是國人相親故知明明德即
明于親民之理也敬止只一耳任是何事
那事必有箇至善處在君曰仁在臣曰敬
在子曰孝在父曰慈在國人曰信此主于
一敬自無所不敬矣使無訟言親民止至
善也百姓親而五品遜協于中德然後能
無訟故至善也必也使是止之之次辭猶
人者人聽斷得者聖人亦不能聽斷在末上理會
斷不得者聖人亦不能聽斷在末上理會
終直猶人耳若使無訟則必君仁臣忠子
孝父慈國人相信無可訟之情實自不得
盡其訟之虛辭蓋大有以敬畏乎民之心
志服上之德教而自修其德以相親非強
之然也此無訟反易于聽訟何也此謂知
本求諸身而不求人也豈若聽訟者之舍
已求人安能必其不我欺乎故知親民即
以明德親之也經文言知止至善以反定

靜安處義

如此也

右第四章釋止至善

聽訟節古本原居止于信下今從之

詩云瞻彼淇澳。采竹猗猗。有斐君子。如切如磋。如琢如磨。瑟兮僖兮。赫兮喧兮。有斐君子。終不可諠兮。如切如磋者。道學也。如琢如磨者。自修也。瑟兮僖兮者。恂慄也。赫兮喧兮者。威儀也。有斐君子。終不可諠兮者。道盛德至善。民之不能忘也。詩云於戲前王不忘。君子賢其賢而親其親。小人樂其樂而利其利。此

以沒世不忘也。

此段釋文亦不離存養用敬之義皆定靜
安慮精義也詩衛風淇水名澳隈也倚倚
美盛也斐文也切磋琢磨皆治玉之事瑟
嚴密也武毅也赫盛大也宣著也誼忘也
切磋言學也志至善而有未能則如切
如磋以學之或考之古人或講之師友不
定學定不靜學靜不安學安不慮學慮由
粗以漸求乎精焉琢磨自修也學之有得
有失未能盡善則如琢如磨以自修或時
自省察時自克治有未定修之使定有未
靜修之使靜有未安修之使安有未慮修
之使慮山疎以漸至于密焉瑟調海濶也
始終一戒慎恐懼之心以存養乎內講宣
威儀也始終一嚴肅儼恪之容以持敬于
外而明德之至善得矣終不可訖者言德
既盛則接諸民而無不善民自觀感效法

而不能忘親民之至善得矣詩周頌烈文
之篇於戲嘆辭前王文王也君子後之君
臣小人後民也賢其賢學先王之明德親
其親學先王之親民此君子明德親民之
事也樂其樂遵學校之教而無憂利其利
守田里之養而不匿此小人被明德親民
之化也如此故雖沒世而觀感效法猶不
能忘也引二詩要見經言定靜安慮而後
能得義如此也而詩言功之用效之彰見
得至善之實後詩又言沒世之效盡得至
善之量

右第五章釋得至善

此章占本在誠意章下今從朱註

所謂誠其意者毋自欺也如惡惡臭如好好色此之謂白謙故君子必慎其獨也小人閒

居爲不善。無所不至。見君子而後厭然。揜其不善而著其善。人之視已。如見其肺肝然。則何益矣。此謂誠於中。形於外。故君子必慎其獨也。曾子曰。十目所視。十手所指。其嚴乎。富潤屋。德潤身。心廣體胖。故君子必誠其意。

所謂誠其意者。意上着不得工夫。只物感時。毋自欺其知而已。知惡當惡。便即惡了。知善當好。便即好了。如惡惡臭。如好好色。惡臭穢物。好色善色也。內裏不欠外亦不欠。此之謂自快足其心而已。故君子必慎其獨。臨事加謹。以戒其欺也。經謂物格。知至。而后意誠者。其義如此。然非先行以致其知。將以何者而至物乎。試觀小人同居。

時只在不善作功。無所不至。心壯不善處
存。理往不善處窮。及見君子而後厭然銷
阻。閉藏於其不善而著其善。不知君子之
視已。早已見其爲不善之肺肝。拚著何益。此
謂善必誠于中。方形于外。故君子必慎其
獨。平日持敬以誠善于中也。經所謂誠意
必先致知以格物者。其義如此。誠於中。即
定靜安慮之功。存養得此知極其充實。自
然發出。來有善無惡。不待拚著也。獨者。無
人指視之時。慎者。不啻十目十手之嚴臨
時之與平日。總此一敬。故曾子曰。所視不
口。慎獨之功。視雖不及。常如十手所指。不
容自昧。指雖不及。常如十手所指。不容自
怠。其如此之嚴乎。富者積財必潤屋。意既
誠。則心德富矣。有不潤身者乎。德富身潤
已。兼心正身修而有之德富。則心廣大。身
潤則體舒用。嚴慎之中。又未嘗不有悅樂
也。可見功全誠意爲難。効至誠意爲大。故

君子必致知格物。物格知至。以誠其意。而此後皆裕如矣。

右第六章釋致知格物。物格知至。以誠其

意

此章古本在此。謂知本。此謂知之至也。之下。今從朱註。

所謂修身。在正其心者。身有所忿懣。則不得其正。有所恐懼。則不得其正。有所好樂。則不得其正。有所憂患。則不得其正。心不在焉。視而不見。聽而不聞。食而不知其味。此謂修身在正其心。

此先言身感外物。而心不得正。然後因心不正。而身不能修也。心不虛明之體。原不

偏倚于物。因身在世間。多有忿怒恐懼。好
樂憂患等事。感動于心。而心遂爲物感。所
誘。則有所矣。非偏着於忿懣。則偏着於
懼。非偏着于好樂。則偏着於憂患。於是本
正之心。雖欲正而不得矣。故曰。則不得其
正。孟子所言物交物。則引之是也。既引之
於外。則虛明之物。離其舍矣。故心不在焉
言不在腔子裏也。今學者每疑心何得有
不在時。是以心爲肉心也。則聖人不在之
說安矣。孔子又云。操則存。舍則亡。更可見
也。樂記有曰。物至知知。然後好惡形焉。好
惡無節於內。知誘于外。不能反躬。是也。心
不在。則身無主。故視聽食三句。言身不修
也。目視非心視。見形而已。不能辨邪正也。
耳聽非心聽。聞聲而已。不能察是非也。口
食非心食。充飽而已。不能審義理也。三者
足此身最切實平易工夫。且不能修。况遠
大乎。孟子曰。先立乎其大者。則其小者不

大學疏

能奪也。此謂修身在正其心。必先於平日下止定靜安慮得功夫。以致其虛明之主使。常在腔子中。在則正矣。正則修矣。今學者只似說臨視聽食時。心偶不在。誤矣。全在平日操存兩養工夫。

右第七章釋正心修身

所謂齊其家在修其身者。人之其所親愛而辟焉。之其所賤惡而辟焉。之其所畏敬而辟焉。之其所哀矜而辟焉。之其所敖惰而辟焉。故好而知其惡。惡而知其美者。天下鮮矣。故諺有之曰。人莫知其子之惡。莫知其苗之碩。

此謂身不修不可以齊其家。

辟偏也。之猶偏也。辟于親愛畏敬哀矜。是偏于所好。則好不知其惡矣。辟于賤惡放情。是偏于所惡。則惡不知其美矣。一家之人。誰惡誰美。有何難知。惟不致知。則知自昏。不格物。則物自紊。仍是不誠其意。所好者之惡。所惡者之美。雖視而不見。雖聽而不聞矣。如是則好人之惡。惡人之美。身不修矣。一家之人。何所適從。而能齊乎。諺語是舉兩般好。不知惡。惡不知美。以例其餘。此謂身不修。不可以齊其家。仍是知不至。故身不修也。故經云。此謂知本。此謂知之至也。

右第八章釋修身齊家

所謂治國必先齊其家者。其家不可教。而能

教人者無之。故君子不出家而成教於國。孝者所以事君也。弟者所以事長也。慈者所以使衆也。康誥曰。如保赤子。心誠求之。雖不中不遠矣。未有學養子而後嫁者也。一家仁。一國興仁。一家讓。一國興讓。一人貪戾。一國作亂。其機如此。此謂一言僨事。一人定國。堯舜帥天下以仁。而民從之。桀紂帥天下以暴。而民從之。其所令。反其所好。而民不從。是故君子有諸已。而后求諸人。無諸已。而后非諸人。

所藏乎身不恕而能喻諸人者未之有也故
治國在齊其家。詩云桃之夭夭其葉蓁蓁之
子于歸宜其家人。宜其家人而后可以教國
人。詩云宜兄宜弟。宜兄宜弟而后可以教國
人。詩云其儀不忒正是四國。其爲父子兄弟
足法而后民法之也。此謂治國在齊其家。

齊治皆所以使家國爲善去惡相親睦也
故皆曰教。若好不知惡惡不知美其家不
可教而能教國人者無之不可以教家人
孝即不可以教國人事君孝者即所以事
君也。不可以教家人弟即不可以教國人
事長弟者即所以事長也。不可以慈家人

大學疏

卽不可以使國人慈者卽所以使衆也家
國有異而理無異總此一誠而已矣故引
康誥言誠以明家國一理之實慈母求赤
子之好惡不中不遠保民而求民之好惡
亦不中不遠以真好惡求真好惡理無不
一也未有學養子而后好求真好惡保民而
后教國亦學其誠而已致知格物是也仁
者誠之本心讓者誠之禮容食者不誠之
好疾者不誠之惡興仁與讓以誠感誠也
作亂以不誠感不誠也機爲樞軸以旋轉
之物也以順動則順逆動則逆以逆求不可
以得順以順求不可以得逆者也家國感
應如此不爽故亦曰機也一言僨事二句
古語舉此甚言機之所在不可以一一人一
言而或忽也堯舜仁讓之驗桀紂貪戾之
驗帥身先之也所令善也所好不善也從
好不從令正機之所以爲機也善有諸己
而后求諸人惡無諸己而后非諸人人己

無異心。如已之心。卽如人之心。是恕。人自感動思念。而喻我求之。非之之故也。若藏身不想。徒以大義責人。彼但見上不如心。以待下。自不從矣。又何能喻其善。當爲惡。當去之故乎。未有學養子以上。言家國一理。在于誠藏身不想以上。言其機不爽。在于恕。誠者恕之體。恕者誠之用。一也。引周南桃天之詩。小雅蓼蕭之詩。曹風鳴鳩之詩。以足不出家之義。篇內孝弟慈仁讓之類。皆親民之實。若言機言興。言從好。言喻人之類。皆所以親之。卽新之義也。

右第九章釋齊家治國

所謂平天下。在治其國者。上老老。而民興孝。上長長。而民興弟。上恤孤。而民不倍。

老老長長恤孤

修身以齊家者興孝興弟不倍觀感之在國者是以君子有絜矩之

道也所惡於上毋以使下所惡於下毋以事

上所惡於前毋以先後所惡於後毋以從前

所惡於右毋以交於左所惡於左毋以交於

右此之謂絜矩之道絜度也矩方尺也言人

子以治國之矩詩云樂只君子民之父母民

之所好好之民之所惡惡之此之謂民之父

母小雅有臺之篇只語助辭詩云節彼南山維石巖巖赫

赫師尹民具爾瞻有國者不可以不慎辟則

爲天下僂矣

小雅節南山之篇節高也師尹

職失民之瞻望其俱

詩云殷之未喪師克配

上帝儀監於殷峻命不易道得衆則得國失

衆則失國

詩文王篇師衆也儀詩作宜峻大也言人命難保

是故君

子先慎乎德有德此有人有人此有土有土

此有財有財此有用德者本也財者末也外

本內末爭民施奪

爭鬪其民教之使奪

是故財聚則民

散財散則民聚是故言悖而出者亦悖而入

貨悖而入者亦悖而出康誥曰惟命不於常



道善則得之。不善則失之矣。楚書曰。楚國無

以爲寶。惟善以爲寶。楚王孫圉對晉舅犯曰。辭善善人也。

亡人無以爲寶。仁親以爲寶。晉文公見狐偃。字子犯。故文公

對秦之辭。言出亡人。不以得國爲寶。以憂親之喪爲寶。秦誓曰。若有一

介臣。斷斷兮無他技。其心休休焉。其如有容

焉。人之有技。若己有之。人之彥聖。其心好之

不啻若自其口出。寔能容之。以能保我子孫

黎民。尚亦有利哉。人之有技。惻疾以惡之。人

之彥聖。而違之。俾不通。實不能容。以不能保

我子孫黎民亦曰殆哉

秦誓周書休美也休言好賢之心下若

已有其心好之是也如有容大量也下定唯能容是也彥美媚忌疾害違拂殆危也

仁人放流之遊諸四夷不與同中國此謂唯

仁人爲能愛人能惡人

遊逐媚疾之人

見賢而不能

舉舉而不能先命也見不善而不能退退而

不能遠過也

命委聽天命過甘心任過

好人之所惡惡人

之所好是謂拂人之性菑必逮夫身

菑與災同

是

故君子有大道必忠信以得之驕泰以失之

大道所學之道實有諸內曰忠外如其生財內曰信驕矯逞不順理泰安肆不慮患

有大道生之者衆食之者寡爲之者疾用之

者舒則財恒足矣

生衆爲疾屬下食寡用舒屬上

仁者以財

發身不仁者以身發財未有上好仁而下不

好義者也未有好義其事不終者也未有府

庫財非其財者也孟獻子曰畜馬乘不察於

雞豚伐木之家不畜牛羊百乘之家不畜聚

歛之臣與其有聚歛之臣寧有盜臣

孟獻子魯之賢

大夫仲孫蔑也畜馬乘士初試爲大夫者也
伐木之家卿大夫以上也百乘之家有采地
者也盜臣剝君罪小聚歛剝民罪大此謂國不以利爲利以義

爲利也。長國家而務財用者，必自小人矣。彼
爲善之，小人日以小人之使爲國家，害並
至。雖有善者，亦無如之何矣。此謂國不以利
爲利，以義爲利也。

老老長長恤孤。君子方以此修身齊家而
一國之人皆化之。君子因是知人心有矩
可以取而望之於天下。天下不難平矣。國
人此矩，天下人亦此矩也。紮矩者，不外好
惡而已。如上下前後左右是也。樂只之詩
言好惡之得，而天下父母之南山之詩言
好惡之失，而天下僂之峻命之詩言好惡
之得失所關大也。是故君子先慎獨以誠
好惡，謂之慎德。自能得人得上而財用亦
因俱得矣。可見德重財輕，若時君往往重
六

財究之民散財恃出不但財用乏而人土
俱失矣。又引康誥之言。見天命必歸于善。
故楚書不以財用爲寶。而以善爲寶。舅犯
井。不以人土爲寶。而以仁親爲寶。是善之
所在。雖人土財用有所不取。而天命正必
歸之。反能得衆得國。以有財用也。然天下
之大。不能無人共理。又在進賢退不肖。故
又莫善于泰誓之言。此事又須孝好惡。唯
仁人一段。是好惡之得見。賢不舉一段。是
好惡之失。賢不阿。好雖明知其賢而不好
往往委治亂于天命。不善之人能從欲。明
知不善而好之。往往寧自爲任。過故君子
有大道忠信以得之。驕泰以失之。仍不外
慎獨以誠好惡而已。忠信慎以全其好賢
惡不肖之本心。而不平天下之大道得矣。驕
泰不慎以恣其好不賢惡賢之逆心。而不肖
天下之大道失矣。人君所以惡賢喜不肖
者。又爲小人能生財以遂人君之欲耳。不

知生財。君子亦自有大道。生之者衆。使民樂業食之者寡。官無冗員。爲之者疾。不違農時。用之者舒。制用有節。源深流長。則財恒足。而天下平矣。觀于前說。仁者散財聚民。是以財興發其身。不仁者聚財散民。是以身興發其財。此理斷然不易。未有上好仁以親民。而下不好義以親上者。未有下好義其事。不終府庫不足。而使上困于財。用者觀于獻子之言。可知。不以得民之財爲利。以得民之義爲利也。若夫小人。譏謗學鄙。不見遠大。彼非有心病。國不過以營利爲善道。而不明義之爲利。利之爲害也。使爲國家。苗害並至。雖有善者。其如何哉。好貨財。喜宵小。二者時君之深病。破之方能慎獨。以挈好惡。百姓親睦。而天下平矣。

右第十章釋平天下

物至知知而好惡形
好惡者知也。致此知

則爲明德自誠意節立好惡兩註以後心
身家國天下節節不外好惡亦可思明德
親民之要在致知矣